



TOSHKENT DAVLAT YURIDIK UNIVERSITETI REKTORINING B U Y R U G‘ I

13.12.2022

346-tm-son

Maqsadli doktorantura, tayanch doktoranturaga imtihon va doktoranturaga suhbat tashkil etish to‘g‘risida

O‘zbekiston Respublikasi Prezidentining 2017-yil 16-fevraldagi “Oliy o‘quv yurtidan keyingi ta’lim tizimini yanada takomillashtirish to‘g‘risida”gi PF–4958-Farmoni va O‘zbekiston Respublikasi Vazirlar Mahkamasining 2017-yil 22-maydagi “Oliy ta’limdan keyingi ta’lim tizimini yanada takomillashtirish chora-tadbirlari to‘g‘risida”gi 304-son qaroriga muvofiq

B U Y U R A M A N:

1. O‘zbekiston Respublikasi Prezidenti Administratsiyasi rahbarining 2022-yil 4-noyabrdagi 02-RA 1/1-1674-son hamda O‘zbekiston Respublikasi Bosh vazirining 2022-yil 5-noyabrdagi 24/1-2878-son topshiriqlariga muvofiq, 2023-yil uchun oliy ta’limdan keyingi ta’lim institutlariga (PhD/DSc) o‘qishga qabul qilishda tanlovlarda xorijiy tilni bilish darajasidan qat’i nazar milliy yoki unga mos darajadagi xalqaro sertifikatga ega talabgorlarni doktoranturaga kirish tanlovlarida ishtirok etishga ruxsat berilganligi hamda O‘zbekiston Respublikasi Innovatsion rivojlanish vazirligi, Oliy va o‘rta maxsus ta’lim vazirligi, Fanlar akademiyasi, Vazirlar Mahkamasi huzuridagi Davlat test markazi hamda Vazirlar Mahkamasi huzuridagi Xorijiy tillarni o‘rganishni ommalashtirish agentligining joriy yil 22-noyabr kuni qabul qilingan 2023-yil uchun oliy ta’limdan keyingi ta’lim institutlariga (PhD/DSc) hamda stajyor-tadqiqotchilik institutiga o‘qishga qabul qilishda tanlovlarni o‘tkazish tartibi to‘g‘risidagi qo‘shma qarori (keyingi o‘rinlarda – qo‘shma qaror) ma’lumot uchun qabul qilinsin.

2. 2023-yil uchun maqsadli doktorantura, tayanch doktorantura va doktoranturaga institutiga o‘qish uchun kirayotgan talabgorlar bilan ixtisosliklar va chet tili fani bo‘yicha imtihon hamda suhbat o‘tkazuvchi komissiya tarkibi 1-ilovaga, imtihon va suhbat o‘tkazish jadvali 2-ilovaga hamda imtihon va suhbatda ishtirok etuvchi talabgorlar ro‘yxati 3-ilovaga muvofiq tasdiqlansin.

3 Ilmiy boshqarma (I.Ergashev):

Qo‘shma qarorning 2-bandida oliy ta’lim muassasalari va ilmiy

tashkilotlarda oliy ta'limdan keyingi ta'lim (tayanch doktorantura (PhD), doktorantura (DSc) tanlovlarini o'tkazishda, ya'ni xorijiy tillardan milliy yoki unga mos darajadagi xalqaro sertifikatni taqdim etishning oxirgi muddati 2022-yil 16-dekabrgacha belgilanganligini e'tiborga olib, mazkur muddatgacha xorijiy tillardan milliy yoki unga mos darajadagi xalqaro sertifikatni taqdim etgan talabgorlar uchun maqsadli doktorantura, tayanch doktoranturaga imtihonga va doktoranturaga suhbatga qo'yilishi yuzasidan qo'shimcha buyruq chiqarilishini ta'minlasin;

Maqsadli doktorantura, tayanch doktoranturaga imtihon va doktoranturaga suhbatni onlayn translyasiya (ZOOM platformasi/Youtube linki) qilinishini;

Jamoatchilik va OAV bilan aloqalar bo'limi (J.Xaydarov) bilan birgalikda maqsadli doktorantura, tayanch doktoranturaga imtihon va doktoranturaga suhbat o'tkazilishi to'g'risidagi ma'lumotlarni imtihon va suhbat o'tkazilishidan kamida 2 kun oldin universitet universitetning rasmiy veb sayti va ijtimoiy tarmoqlaridagi sahifalarida yoritilishini ta'minlasin.

4. Imtihon va suhbat o'tkazuvchi komissiya imtihon va suhbatni qonun hujjatlariga to'liq amal qilgan holda adolatli, haqqoniy va xolisona o'tkazsin.

5. Imtihon va suhbat o'tkazuvchi komissiya maqsadli doktorantura, tayanch doktorantura hamda doktorantura institutining imtihon va suhbat natijalarini tasdiqlash uchun Toshkent davlat yuridik universiteti kengashiga kiritsin.

6. Mazkur buyruqni ijrosini nazorat qilishni o'z zimnamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Boshqarma boshlig'i

I.ERGASHEV



Kelishildi:

Ilmiy ishlar va innovatsiyalar
bo'yicha prorektor

B.XODJAYEV



yuriskonsult

D.ALIBOYEV

